

Quia à Deo promissa sunt, qui fallere nescit.

Triplicem autem usum *amen* in Scriptura habet; *optandi, consentiendi, & confirmandi.*

Priorem usum S. Hieronymus docet in Matth. 6.

Alterum Scriptura multis in locis: ut Jer. 11, 5. & 28, 6. Deut. 27, 15. Neh. 8, 6. *Jer. 28, 6.*  
i. Cor. 14, 16. *Amen.*

Tertium usum Christus monstrat passim: ut Matth. 5, 18. Mar. 3, 28. Ap. 3, 14. 2. Cor. 1, 20.

Δ *Optamus proinde hac particula, ut ratum sit, quicquid 6. petitionib. à Deo petivimus.*

Testamur serium studium invocationis: non ficto aut simulato animo nos precari.

Declaramus certitudinem cordis de exauditione.

Immò voce hac, precationem Patri acceptam esse, obfirmamus; & multò certius à Deo exauditam, quàm in cordibus nostris perferimus, nos illud ex animo cupere: ideoq; accepturos omnia quæ Deo gloriosa & nobis salutaria sunt: juxta illud 2. Cor. 1, 20. & 2. Tim. 2, 13.

ἔλεγχος.

*Arguuntur igitur hac voce hypocrita & impii, qui ore quidem precantur & labiis Deum honorant, corde verò procul ab*